

PRIJEDLOG !

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“ br. 49/06 i 51/09), člana 97. a u vezi sa članom 55. i 104. Statuta općine Ilijaš – prečišćeni tekst ('Službene novine Kantona Sarajevo' br. 20/09), te članom 99. Poslovnika o radu Općinskog vijeća Ilijaš ('Službene novine Kantona Sarajevo' br. 2/10 i 18/15), Općinsko vijeće Ilijaš na svojoj ____ sjednici održanoj _____.2018. godine, donosi :

ODLUKU o povjeravanju na upravljanje i korištenje

Član 1.

Ovom Odlukom povjerava se na upravljanje i korištenje objekat „Gradska tržnica Ilijaš“, ukupne površine 800,00 m², izgrađen na k.č. br. 50 K.O. Ilijaš Grad upisan u Posjedovnom listu br. 197 i ZK ulošku br. 165, u posjedu i vlasništvu Općina Ilijaš sa udjelom 1/1, Javnom komunalnom preduzeću „Vodostan“ Ilijaš.

Član 2.

Općina Ilijaš će Investiciono-tehničku i finansijsku dokumentaciju predati Javnom komunalnom preduzeću „Vodostan“ Ilijaš, a zbog knjigovodstvenog evidentiranja vrijednosti imovine.

Član 3.

Javnom komunalno preduzeće „Vodostan“ Ilijaš dužno je objektom „Gradska tržnica Ilijaš“ upravljati pažnjom dobrog privrednika, te vršiti redovno tekuće i investiciono održavanje.

Član 4.

Objekat „Gradska tržnica Ilijaš“ povjerava se na upravljanje i korištenje Javnom komunalnom preduzeću „Vodostan“ Ilijaš, sve dok ne nastupe okolnosti zbog kojih bi isti morao biti vraćena u nadležnost Općine Ilijaš.

Član 4.

Odluka stupa na snagu danom donošenja, a naknadno će se objaviti u 'Službenim novinama Kantona Sarajevo'

Broj : 01/_____/ 18
Ilijaš, _____.201____. godine

PREDSJEDAVAJUĆI
OPĆINSKOG VIJEĆA

Dević Mahir, prof.

OBRAZLOŽENJE

Pravni osnov za donošenje odredbama člana 13. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“ br. 49/06 i 51/09), kojim je propisano da Općinsko vijeće u okviru svojih nadležnosti, pored ostalog donosi i odluku o upravljanju i raspolaganju imovinom jedinice lokalne samouprave. Također, pravni osnov za donošenje navedene odluke nalazi se u član 97. Statuta Općine Ilijaš, koji je svojom odredbama propisao da je za sticanje, otuđivanje ili davanje u zakup imovine u vlasništvu Općine potrebna saglasnost Općinskog vijeća, a o čemu odlučuje Općinsko vijeće samostalno ili na prijedlog Općinskog načelnika. Odredbama navedenog člana također je propisano da se povjerenom imovinom u vlasništvu općine mora upravljati načelnima dobrog domaćina.

Kako je JKP „Vodostan“ Ilijaš preduzeće kome je Općina Ilijaš osnivač, a isto je registrovano za obavljanje djelatnosti „organizacija pijace“, to i predlažemo Općinskom vijeću da u skladu sa Poslovníkom Općinskog vijeća donese odluku kao u prijedlogu.

PREDLAGAČ

Općinski načelnik

Fazlić Akif, dipl.ecc.